



অবিলম্বে প্রকাশের উদ্দেশ্যে: 12/22/2022

গভর্নর ক্যাথি হোকল

নায়াগ্রা জলপ্রপাতে নতুন দর্শনার্থীদের আকর্ষণ করতে এবং এটির উন্নয়নের জন্য  
গভর্নর হোকল দুইটি রূপান্তরমূলক প্রকল্প ঘোষণা করেছেন

**বন্ধ নায়াগ্রা গর্জ মিউজিয়ামের গ্রেট লেক 360-এ নায়াগ্রা অ্যাকোয়ারিয়াম নির্মাণ শুরু  
করা; নায়াগ্রা ফলস হেরিটেজ গেটওয়ে প্রোজেক্টের অগ্রগতি অব্যাহত রাখা**

**উভয় প্রোজেক্টই নায়াগ্রা জলপ্রপাত ব্যবহারকারী লোকদের জলপথের সাথে পুনরায়  
যুক্ত করতে সাহায্য করবে যেটি সিটির পরিচিতি নিশ্চিত করে**

**গ্রেট লেক 360 এর রেন্ডারিং পাওয়া যাবে [এখানে](#)**

**নায়াগ্রা ফলস হেরিটেজ গেটওয়ে প্রোজেক্টের রেন্ডারিং পাওয়া যাবে [এখানে](#)**

গভর্নর ক্যাথি হোকল আজ নায়াগ্রা জলপ্রপাতের দুইটি রূপান্তরমূলক প্রকল্প ঘোষণা করেছেন যা সিটির নতুন বাসিন্দা, ভ্রমণার্থী এবং উন্নয়নকে আকৃষ্ট করার পাশাপাশি নায়াগ্রা জলপ্রপাতের সুবিধা গ্রহণকারী জনগণকে সিটির পরিচয় দানকারী জলপথের সাথে পুনরায় যুক্ত করতে সহায়তা করবে। নায়াগ্রা ফলস হেরিটেজ গেটওয়ে প্রোজেক্ট যেটি নায়াগ্রা জলপ্রপাতের পুনর্বিনিয়োগকে উজ্জীবিত করার উদ্দেশ্যে পাঁচটি পাবলিক গেটওয়ে বৈশিষ্ট্য নিয়ে গঠিত সুবিধা নিয়ে এগিয়ে যাবে। এছাড়াও, নিউ ইয়র্ক স্টেট পার্কস, রিক্রিয়েশন অ্যান্ড হিস্টোরিক প্রিজারভেশন (New York State Parks, Recreation and Historic Preservation) একটি চুক্তি অনুমোদন করেছে যা নায়াগ্রার অ্যাকোয়ারিয়ামকে বর্তমানে বন্ধ নায়াগ্রা গর্জ ডিসকভারি সেন্টারে কার্যক্রম পরিচালনার জন্য অনুমোদন করেছে। নায়াগ্রা গর্জ ডিসকভারি সেন্টারকে গ্রেট লেক 360-এ রূপান্তরিত করার জন্য এখন নির্মাণ কাজ শুরু হবে — যা গ্রেট লেক-কেন্দ্রিক প্রদর্শনীর জন্য একটি রোমাঞ্চকর নতুন স্থান।

**গভর্নর হোকল বলেন,** "আমরা নায়াগ্রা জলপ্রপাতের উন্নয়নের জন্য একটি নতুন পরিকল্পনা তৈরি করছি — যা কাঙ্ক্ষিত বিনিয়োগ নিশ্চিত করা যা পর্যটকদের আকর্ষণ করতে ও কমিউনিটিকে আধুনিক করতে সাহায্য করবে।" "নায়াগ্রা হেরিটেজ গেটওয়ে প্রোজেক্ট এবং গ্রেট লেকস 360 সিটির কেন্দ্রস্থলে রোমাঞ্চকর নতুন ধারা বয়ে আনবে, নতুন ভ্রমণার্থীদের আকর্ষণ করবে, স্থানীয় অর্থনীতিকে উজ্জীবিত করবে এবং কমিউনিটিকে বসবাসের জন্য আরো ভালো জায়গা হিসেবে গড়ে তুলবে।"

## নায়াগ্রা ফলস হেরিটেজ গেটওয়ে প্রোজেক্ট

12 মিলিয়ন মার্কিন ডলারের নায়াগ্রা ফলস হেরিটেজ গেটওয়ে প্রোজেক্টটি একটি প্রস্তাবিত "ডাউনটাউন নায়াগ্রা ফলস হেরিটেজ পাথ" এর উত্তর ও দক্ষিণ প্রান্তের উপর দৃষ্টি নিবদ্ধ করে যার লক্ষ্য হলো ডাউনটাউন নায়াগ্রা জলপ্রপাত এবং নায়াগ্রা ফলস স্টেট পার্কের মধ্যে সংযোগ জোরদার করার পাশাপাশি ডাউনটাউনে কার্যক্রম সম্প্রসারিত করা। নিউ ইয়র্ক-ভিত্তিক ফার্ম প্র্যাকটিস ফর আর্কিটেকচার অ্যান্ড আরবানিজম (Practice for Architecture and Urbanism, PAU) যা 2021 সালে ডাউনটাউন এলাকার জন্য একটি ধারণাগত উন্নয়ন কৌশল বাস্তবায়নের নেতৃত্ব দিয়েছিল তাকে ডিজাইন পরিচালনার জন্য নির্বাচিত করা হয়েছে। ধারণাগত রেন্ডারিং পাওয়া যাবে [এখানে](#)।

গেটওয়ে প্রোজেক্টের আওতায় অন্তর্ভুক্ত থাকবে:

- ঐতিহাসিক নায়াগ্রা ফলস পাওয়ার কোম্পানির হাইড্রোলিক খালের একটি প্রসারিত অংশকে একটি আকর্ষক পাবলিক প্লাজা হিসেবে পুনঃউপস্থাপন করা যা বৃহৎ আকারের বিদ্যুৎ উৎপাদনের ঐতিহ্য এবং এর ডিজাইনে আমেরিকান সমাজে এর প্রভাবকে ফুটিয়ে তোলে।
- নায়াগ্রা ফলস স্টেট পার্কের সীমানা বরাবর পর্যবেক্ষণমূলক একটি ডেক নির্মাণ করা যা বাফেলো অ্যাভিনিউ থেকে অ্যাক্সেসযোগ্য ও সিঁড়ি দিয়ে পার্কের সাথে যুক্ত হওয়ার পাশাপাশি আমেরিকান র‍্যাপিডস এবং গেট আইল্যান্ডের প্যানোরামিক দৃশ্য সম্বলিত। ডিজাইনটি বিদ্যমান ট্রি কভারেজ সংরক্ষণ করবে এবং আউটডোরে বসার ব্যবস্থা নিশ্চিত করবে।
- নায়াগ্রা জলপ্রপাত সিটির সাথে অংশীদারিত্বের ভিত্তিতে ডিফ্রানকো পার্ক (DiFranco Park)-কে আউটডোর পারফরম্যান্স, বিনোদন এবং জনসমাবেশমূলক স্থানের জন্য যৌথ-ব্যবহার ভিত্তিক প্যাভিলিয়নে রূপান্তরিত করা।
- বাফেলো অ্যাভিনিউ এবং 1 নং স্ট্রিটের কোণে একটি পকেট পার্ক নির্মাণ করা যা অবকাশ নিশ্চিত এবং স্ট্রিটস্কেপকে সক্রিয় করবে।
- আন্ডারগ্রাউন্ড রেলরোডের ইতিহাস সংরক্ষণ এবং কিভাবে আফ্রিকান আমেরিকান হোটেল কর্মীবৃন্দ স্বাধীনতাকামীদের কানাডায় চলে যেতে সাহায্য করার ক্ষেত্রে একটি গুরুত্বপূর্ণ ভূমিকা পালন করেছে তার জন্য ক্যাটারাক্ট হাউস হোটেল (Cataract House Hotel)-এর ঐতিহাসিক স্থানে একটি স্মৃতিসূচক পার্ক স্থাপন করা।

2020 এবং 2021 সাল জুড়ে USA নায়াগ্রা ডেভেলপমেন্ট কর্পোরেশন — একটি এম্পায়ার স্টেট ডেভেলপমেন্ট সাবসিডিয়ারি — এবং প্র্যাকটিস ফর আর্কিটেকচার অ্যান্ড আরবানিজম (PAU) নায়াগ্রা জলপ্রপাতের বেশ কিছু খালি বা অব্যবহৃত সম্পত্তির পুনঃউন্নয়নের জন্য একটি কৌশল নির্ধারণ করেছে যেগুলি নিউ ইয়র্ক স্টেটের মাধ্যমে অর্থায়ন করে একটি কৌশলগত ভূমি-অধিগ্রহণ কর্মসূচির অংশ হিসেবে 2018 সালে অধিগ্রহণ করা হয়েছিল। ["ডাউনটাউন নায়াগ্রা ফলস ডেভেলপমেন্ট স্ট্র্যাটেজি"](#) সময়ের সাথে সাথে টেকসই গতিশীলতা বৃদ্ধি এবং উন্নয়নের ধারা বজায় রাখার ক্ষেত্রে বর্তমান সময়ের মধ্যে একটি প্রাণবন্ত ডাউনটাউনকে পুনরায় কল্পনা করার জন্য অন্তর্বর্তীকালীন কার্যক্রম এবং অর্জনযোগ্য উন্নয়ন নির্দেশিকাবলির একটি বিস্তৃত

পরিসীমা ফুটিয়ে তোলা ন্যায়াগ্রা ফলস হেরিটেজ গেটওয়ে প্রোজেক্ট এই কৌশলটি থেকে উদ্ভূত হয় এবং বেসরকারি-খাতের উন্নয়নের পূর্বে উপাদানগুলো সক্রিয় করার জন্য সুপারিশকৃত বেশ কয়েকটি অন্তর্বর্তীকালীন কার্যক্রম যুক্ত করে।

ন্যায়াগ্রা ফলস হেরিটেজ গেটওয়ে প্রোজেক্টটি স্টেট কর্তৃক বাফেলো বিলিয়ন ১১ এর মাধ্যমে ১০ মিলিয়ন মার্কিন ডলার এবং রিজিওনাল রিভাইটলাইজেশন পার্টনারশীপের মাধ্যমে ২ মিলিয়ন মার্কিন ডলার অর্থায়ন করা হয়েছে। প্রোজেক্টটি ২০২৪ সালে সম্পন্ন করা হবে বলে প্রত্যাশা করা হচ্ছে।

### **ন্যায়াগ্রা গর্জ ডিসকভারি সেন্টার প্রোজেক্ট**

৫ মিলিয়ন মার্কিন ডলারের গ্রেট লেকস ৩৬০ প্রোজেক্টটি একটি প্রাণবন্ত জাদুঘর হবে যা ন্যায়াগ্রা নদীর উল্লেখযোগ্য বন্যপ্রাণী এবং বৃহত্তর গ্রেট লেক ইকোসিস্টেমকে হাইলাইট করে যা এলাকার অনন্য ভূতাত্ত্বিক ইতিহাস ধারণ করে। অ্যাক্সেসযোগ্য প্রদর্শনী ডিজাইনের উপর প্রোজেক্টের ফোকাস ভবনটিকে একটি ওয়ান-স্টপ গন্তব্যে রূপান্তরিত করবে যেখানে সমস্ত বয়সের এবং সক্ষমতার দর্শকবৃন্দ সারা বছর এই অঞ্চলের পরিবেশগত ইতিহাস উপভোগ করতে পারবেন। সম্পন্নকৃত প্রকল্পটি অ্যাকোয়ারিয়ামে জীবন্ত প্রদর্শনীর সংখ্যা ৪০ শতাংশ পর্যন্ত বৃদ্ধি করবে। [এখানে](#) রেন্ডারিং দেখুন।

ন্যায়াগ্রা গর্জ ডিসকভারি সেন্টার যা শোয়েলকপফ জিওলজিক্যাল মিউজিয়াম (Schoellkopf Geological Museum) নামেও পরিচিত, এটি ন্যায়াগ্রা গর্জের উপকূলে অবস্থিত এবং অ্যাকোয়ারিয়ামের মূল ভবন থেকে মাত্র ৫০০ ফুট দক্ষিণ-পশ্চিমে অবস্থিত। NY পার্কের সাথে চুক্তির অধীনে, অ্যাকোয়ারিয়ামটি খালি ভবনটি সংস্কার করবে, পূর্বের রবার্ট মোসেস পার্কওয়ে (Robert Moses Parkway)-এর সম্প্রতি সম্পূর্ণ অপসারণের মাধ্যমে তৈরি করা নতুন গ্রিনস্পেস বরাবর যথাযথভাবে গ্রেট লেক-কেন্দ্রিক প্রদর্শনীর জন্য নতুন স্থান তৈরি করবে।

গ্রেট লেকস ৩৬০ মার্কেট NY-এর মাধ্যমে সম্প্রতি ঘোষিত ১ মিলিয়ন মার্কিন ডলারের মূলধন অনুদান এবং পূর্বে ঘোষিত ৬৭৫,০০০ মার্কিন ডলার ESD অনুদানের পরে সম্পূর্ণরূপে অর্থায়নকৃত। অন্যান্য সহায়তাকারীদের মধ্যে রয়েছে ইস্ট হিল ফাউন্ডেশন, গ্রিগ লুইস ফাউন্ডেশন, জন আর. ওশেই ফাউন্ডেশন, কীব্যাঙ্ক অ্যান্ড ফার্স্ট ন্যায়াগ্রা ফাউন্ডেশন, M&T চ্যারিটেবল ফাউন্ডেশন, মার্গারেট এল. ওয়েল্ড ফাউন্ডেশন, ন্যাশনাল গ্রিড, ন্যায়াগ্রা কাউন্টি IDA, ন্যায়াগ্রা জলপ্রপাতের সাথে ন্যায়াগ্রা রিভার গ্রিনওয়ের অংশীদারিত্ব এবং রাফ সি. উইলসন, জুনিয়র লিগ্যাসি ফান্ড। প্রোজেক্টটি ২০১৪ সাল থেকে অ্যাকোয়ারিয়ামে করা ১০ মিলিয়ন মার্কিন ডলারের বেশি মূলধনের বৃদ্ধির উপর ভিত্তি করে গঠিত হয়ে এবং গতিশীল ও মনোরম আকর্ষণগুলোর মাধ্যমে দর্শনার্থীদের অভিজ্ঞতা বাড়ানোর জন্য অ্যাকোয়ারিয়ামের প্রতিশ্রুতি প্রদর্শন করে।

নিউ ইয়র্ক স্টেট পার্কস, রিক্রিয়েশন অ্যান্ড হিস্টোরিক প্রিজারভেশন এবং ন্যায়াগ্রার অ্যাকোয়ারিয়ামের মধ্যে এই অংশীদারিত্ব, অ্যাকোয়ারিয়ামের ভৌগলিক পদচিহ্নকে সম্প্রসারিত করে এবং অ্যাকোয়ারিয়ামের জন্য ন্যায়াগ্রা জলপ্রপাতের কেন্দ্রস্থলে ক্যাম্পাসের মতো উপস্থিতি

গড়ে তোলার সুযোগ উন্মোচন করে। এইখানে একটি নতুন সুযোগ, বছরব্যাপী আকর্ষণের কেন্দ্র উদ্বোধন নায়াগ্রা ফলস স্টেট পার্কের একটি উন্নয়নশীল এলাকায় গুরুত্বপূর্ণ সুযোগ তৈরি করে।

নায়াগ্রা গর্জ ডিসকভারি সেন্টার 1971 সালে নিউ ইয়র্ক স্টেটের পার্ক, বিনোদন এবং ঐতিহাসিক বিষয়বস্তু সংরক্ষণের ব্যবস্থাপনায় চালু হয়েছিল। মার্কিন যুক্তরাষ্ট্রের প্রথম জলবিদ্যুৎ কেন্দ্রগুলোর একটিতে অবস্থিত, মৌসুমী আকর্ষণের কেন্দ্রটি জলপ্রপাত এবং নায়াগ্রা গর্জের প্রাকৃতিক ইতিহাস প্রদর্শন করে। এটি 2020 সালের অক্টোবর থেকে জনসাধারণের জন্য বন্ধ রয়েছে। নিউ ইয়র্ক স্টেট পার্ক, বিনোদন এবং ঐতিহাসিক সংরক্ষণ এবং নায়াগ্রার অ্যাকোয়ারিয়ামের মধ্যে নতুন অংশীদারিত্ব স্পেসে এমনভাবে নতুন প্রাণ সঞ্চারণ করবে যা এর অবস্থানের প্রাকৃতিক ইতিহাস উদযাপন করবে এবং আগামী প্রজন্মের জন্য এই অঞ্চলের সমৃদ্ধ সম্পদ রক্ষা করতে বার্ষিক 200,000 এরও বেশি দর্শকদের অনুপ্রাণিত করবে।

**এম্পায়ার স্টেট ডেভেলপমেন্ট প্রেসিডেন্ট, CEO এবং কমিশনার হোপ নাইট বলেন,** "নায়াগ্রা ফলস হেরিটেজ গেটওয়েস প্রোজেক্ট হলো দীর্ঘ-সুপ্ত সাইট আনার জন্য নিউ ইয়র্ক স্টেটের কৌশলের একটি প্রথম ধাপ, যেটি এখন স্টেটের দ্বারা নিয়ন্ত্রিত, ফলপ্রসূ কাজে ব্যবহার করা হচ্ছে। এটি উভয়ই সিটির ট্যাক্স বেস বৃদ্ধি করবে এবং একটি পুনরুজ্জীবিত প্রাণবন্ত ডাউনটাউনে অবদান রাখবে যা দর্শক এবং বাসিন্দাদের জন্য একটি আকর্ষণ।"

**নিউ ইয়র্ক স্টেট পার্কস কমিশনার এরিক কুলেসিড বলেন,** "স্টেট পার্কস এই অনন্য সুবিধাটি পুনরুদ্ধার করতে নায়াগ্রার অ্যাকোয়ারিয়ামের সাথে অংশীদারিত্ব করতে পেরে গর্বিত। এটি গ্রেট লেকের গল্প বলার জন্য পুরোপুরি উপযুক্ত এবং নায়াগ্রা জলপ্রপাতের বছরব্যাপী বিনোদনের জন্য আরেকটি সুযোগ প্রদান করার সময় মূল সুবিধার পরিপূরক হবে।"

**অ্যাসেম্বলি সদস্য অ্যাঞ্জেলা মরিনেলো বলেন,** "নায়াগ্রা জলপ্রপাত একটি বিশ্বমানের পর্যটন গন্তব্য হিসাবে তার যাত্রা অব্যাহত রাখার জন্য অবিরত প্রকল্পগুলির জন্য গভর্নর হোকলকে ধন্যবাদ। আমাদের সিটি এবং অঞ্চল সবুজ আকর্ষণের উপর ফোকাস করে আমাদের প্রাকৃতিক বিশ্বয়, জলপ্রপাত, ইকোটুরিজম আকর্ষণের সাথে যা আমাদের চারপাশের প্রকৃতির বিশ্বয়কে তুলে ধরে।"

**নায়াগ্রা জলপ্রপাত সিটির মেয়র রবার্ট রেস্টাইনো বলেন,** "নায়াগ্রা জলপ্রপাত তার শক্তি এবং সৌন্দর্য দিয়ে দর্শক এবং স্থানীয়দের মোহিত করে চলেছে। হেরিটেজ গেটওয়ে তৈরি আমাদের প্রাকৃতিক বিশ্বয় উপভোগ করার আরো সুযোগ দেবে এবং আমাদের নায়াগ্রার অ্যাকোয়ারিয়ামের উত্তেজনাকর সম্প্রসারণে যোগদান করতে শহরের কেন্দ্রস্থলে বিনোদনের জন্য অতিরিক্ত স্থান নিয়ে আসবে। আমাদের কমিউনিটিকে নতুন উন্নয়নে এগিয়ে নেওয়ার জন্য গভর্নর হোকলের প্রতিশ্রুতি আমাদের শহরের জন্য একটি উত্তেজনাকর সুযোগ এবং আমরা তার অব্যাহত সমর্থনের প্রশংসা করি।"

**প্র্যাকটিস ফর আর্কিটেকচার অ্যান্ড আরবানিজমের (Practice for Architecture and Urbanism, PAU) প্রতিষ্ঠাতা ও ক্রিয়েটিভ ডিরেক্টর বিয়ান চক্রবর্তী বলেন,** "আমরা ল্যান্ডস্কেপ আর্কিটেক্ট হারগ্রিভস জোনস সহ একটি প্রসারিত দলের সাথে নায়াগ্রা জলপ্রপাতের

নিউ ইয়র্ক স্টেটের সাথে আমাদের কাজ চালিয়ে যেতে পেরে উচ্ছ্বসিতা নায়াগ্রা ফলস হেরিটেজ গেটওয়ে প্রোজেক্ট হলো স্থানীয় কমিউনিটির সাথে সহযোগিতায় আমাদের শহরগুলিকে পুনর্নির্মাণের পরিবর্তে কিভাবে চিন্তাশীল নকশা পুনরুদ্ধার করতে পারে তা প্রদর্শন করার একটি সুযোগ। পাবলিক ইনফ্রাস্ট্রাকচার হলো সফল নগরায়ন কেন্দ্রে—আমরা নিউ ইয়র্ক স্টেটকে সাধুবাদ জানাই পাবলিক স্পেস এবং স্থাপত্যকে চ্যাম্পিয়ান করার জন্য যা আমাদের আখ্যান, আমাদের পরিবেশ এবং একে অপরের সাথে সংযুক্ত করে।"

**নায়াগ্রা অ্যাকোয়ারিয়ামের প্রেসিডেন্ট ও CEO গ্যারি সিডল বলেন,** "স্পেসের জন্য আমাদের দৃষ্টিভঙ্গির মধ্যে একটি সত্যিকারের অন্তর্ভুক্তিমূলক অভিজ্ঞতা রয়েছে যার মধ্যে অভ্যন্তরীণ এবং বহিরঙ্গন দুঃসাহসিক কাজের সুযোগ রয়েছে যা সমস্ত দর্শকদের জন্য প্রবেশযোগ্য বাসস্থান এবং শিক্ষামূলক প্রোগ্রামিংয়ের মাধ্যমে, অতিথিরা প্রাণীদের সাথে খাঁটি মিথস্ক্রিয়া অনুভব করবে যা তাদের জলজ জীবনের জন্য একটি পার্থক্য তৈরি করতে অনুপ্রাণিত করে। এই অংশীদারিত্ব সত্যিকার অর্থে অ্যাকোয়ারিয়ামের কৌশলগত লক্ষ্যগুলির উপর ভিত্তি করে অতিথি অভিজ্ঞতা বাড়াতে, অ্যাকোয়ারিয়ামকে একটি আঞ্চলিক সম্পদ হিসাবে স্থাপন করতে এবং জলজ সংরক্ষণে আমাদের ভূমিকা বৃদ্ধি করতে নির্মিত।"

**ইস্ট হিল ফাউন্ডেশনের (East Hill Foundation) নির্বাহী পরিচালক কেনেথ ডুলিয়ান বলেছেন,** "ইস্ট হিল ফাউন্ডেশন তার গ্রেট লেকস 360 (Great Lakes 360) প্রকল্পে নায়াগ্রা অ্যাকোয়ারিয়ামকে সহায়তা করতে পেরে গর্বিত। অ্যাকোয়ারিয়াম ক্রমাগতভাবে বড় ক্যাপিটাল প্রকল্পগুলি সম্পাদন করার সক্ষমতা প্রদর্শন করেছে যা সংস্থা এবং বৃহত্তর কমিউনিটি উভয়ের উপর একটি রূপান্তরমূলক প্রভাব ফেলেছে এবং গ্রেট লেকস 360 হবে এখনো পর্যন্ত এর সবচেয়ে উদ্ভাবনী উদ্যোগ। ইস্ট হিল ফাউন্ডেশন নায়াগ্রা অঞ্চল এবং তার বাইরের সাংস্কৃতিক আশ্রয়স্থল হিসাবে সংগঠনের অবস্থানকে শক্তিশালী করতে অ্যাকোয়ারিয়ামের সাথে অংশীদারিত্ব করতে আগ্রহী।"

### নায়াগ্রার অ্যাকোয়ারিয়াম সম্পর্কে

নায়াগ্রার অ্যাকোয়ারিয়াম হলো একটি 501(C)3 অলাভজনক সংস্থা। আমাদের কমিউনিটি এবং আমাদের অংশীদারদের সাথে, আমরা আমাদের প্রাকৃতিক বিশ্বয় উদযাপন করি এবং মানুষকে জলজ জীবনের জন্য একটি পার্থক্য তৈরি করতে অনুপ্রাণিত করি। আমরা 120টিরও বেশি বিভিন্ন প্রজাতির আবাসস্থল, যার মধ্যে দশটি উদ্ধার করা এবং মুক্ত করা যায় না এমন সামুদ্রিক স্তন্যপায়ী প্রাণী রয়েছে। অ্যাকোয়ারিয়ামটি ক্রিসমাস এবং থ্যাঙ্কসগিভিং বাদে বছরব্যাপী প্রতিদিন সকাল 9টায় খোলা থাকে। আরো তথ্যের জন্য [aquariumofniagara.org](http://aquariumofniagara.org) দেখুন।

### এম্পায়ার স্টেট ডেভেলপমেন্ট সম্পর্কে

এম্পায়ার স্টেট ডেভেলপমেন্ট নিউ ইয়র্কের মুখ্য অর্থনৈতিক উন্নয়ন এজেন্সি। ESD এর মিশন হচ্ছে একটি উন্নত এবং ক্রমবর্ধমান অর্থনীতি প্রতিষ্ঠা করা, নতুন কর্মসংস্থান এবং অর্থনৈতিক সুযোগের তৈরিকরণ উৎসাহিত করা, স্টেট এবং তার মিউনিসিপ্যালিটিস রাজস্ব বৃদ্ধি করা এবং স্থিতিশীল ও বৈচিত্র্যময় স্থানীয় অর্থনীতি অর্জন করা। ঋণ, অনুদান, ট্যাক্স ক্রেডিট এবং অন্যান্য ধরনের অর্থনৈতিক সহায়তা ব্যবহারের মাধ্যমে নিউ ইয়র্ক স্টেটে কর্মসংস্থান সৃষ্টি শুরু করা এবং উন্নত কমিউনিটিকে সহায়তা করার জন্য ESD ব্যক্তিগত ব্যবসায় বিনিয়োগ বৃদ্ধি করার প্রচেষ্টা

চালাচ্ছে। এছাড়াও ESD হলো আঞ্চলিক অর্থনৈতিক উন্নয়ন কাউন্সিলগুলোর এবং স্টেটের আইকনিক পর্যটন ব্র্যান্ড "আই লাভ NY" ("I LOVE NY") এর বিপণনের তত্ত্বাবধানকারী প্রধান প্রশাসনিক সংস্থা। আঞ্চলিক কাউন্সিল এবং গ্রাম্পায়ার স্টেট ডেভেলপমেন্ট সম্পর্কে আরো তথ্যের জন্য, অনুগ্রহ করে [www.regionalcouncils.ny.gov](http://www.regionalcouncils.ny.gov) এবং [www.esd.ny.gov](http://www.esd.ny.gov) দেখুন।

### **নিউ ইয়র্ক স্টেটের পার্ক, বিনোদন ও ঐতিহাসিক স্থাপনা সংরক্ষণ অফিস (Office of Parks, Recreation and Historic Preservation) সম্পর্কে**

নিউ ইয়র্ক স্টেট অফিস অব পার্কস, রিক্রিয়েশন এন্ড হিস্টরিক প্রিজারভেশন (New York State Office of Parks, Recreation and Historic Preservation) 250 টিরও বেশি পার্ক, ঐতিহাসিক স্থান, বিনোদনমূলক ট্রেইল, গলফ কোর্স, বোট লঞ্চ এবং আরো অনেক কিছু দেখভালের দায়িত্বে রয়েছে যা দেখার জন্য 2021 সালে রেকর্ড সংখ্যক 78.4 মিলিয়ন মানুষের আনাগোনা ঘটে। এসব চিত্তবিনোদনের জায়গার যেকোনোটি সম্পর্কে আরো তথ্যের জন্য [www.parks.ny.gov](http://www.parks.ny.gov) ওয়েবসাইট দেখুন, বিনামূল্যের NY স্টেট পার্কস এক্সপ্লোরার (NY State Parks Explorer) মোবাইল অ্যাপ ডাউনলোড করুন অথবা 518.474.0456 নম্বরে ফোন করুন। এছাড়াও, সংযুক্ত হোন [ফেসবুকে \(Facebook\)](#), [ইনস্টাগ্রামে \(Instagram\)](#) ও [টুইটারে \(Twitter\)](#)।

###

আরো সংবাদ পাওয়া যাবে এখানে: [www.governor.ny.gov](http://www.governor.ny.gov)-এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418